

TITO

Kukū Ko Di Paulo Lakpana Aata Ni Tito

¹ Ami, Paulo, Yaa kpemblate ku Yesu Kristo tɔkyentε, nikɔkpana kukū ko mmle nkyesee fɔ. Yaa lediki mi eekpee mi ale, kakyakaako batii nɔɔ ba eediki ni ofū onu ale, kakpaa ma mantofo nwaako ɔlaa biene wɔ di ofū onu loo kotuo wo nii. ² Ofū onu ku lɛsaatofo le mmle n-yε di osuku onyu wɔ ninta ni nkpa be ninnaa ni kaloo, di Yaa wɔ ninanlaa ni lɛka ntam εεtε ni fie nfe εεbla ni kayi. ³ Yaa lediki nkpa be ninnaa ni kaloo ɔlaa wɔ mmle kayi eetuo wo di ɔlaa nɔɔ kame, di obe wɔ di nnwɔɔ omu εεtε ni kame. Nnwu εεyɔ eekpee mi di nnεε kame kobue ntɔkɔ batii ne. Yaa dikite loo omu niekpee mi kufiofa ale mbue ɔlaa wɔ mmle.

⁴ Obi nwaa bɔmbɔtε Tito, kɔkpana kukū ko mmle nkyesee fɔ, diekye buɔbla onwii di ofū onu kame. Teete Yaa ku Dikite loo Yesu Kristo ale fɔ sibuale, aata fɔ atoko ɔkyε ole.

Paulo Lata Tito ɔkpe Owo Di Kreta.

⁵ Ladiε fɔ di Kreta ta mmle faayentε ɔkpe wɔ niabu ni ɔbla ninfa. Ku mmle faase ni banyayilate die bafūbanute nsiisakɔ nwu di sekpoo nwu simuu kame fe mmle latɔkɔ fɔ nii. ⁶ Fε bafūbanute nyayilate, dikpe nii anwε nkpa biene. Dikpe nii anle otii wɔ nin-yɔ ni ɔsanko onwii. Babi nɔɔ kafɔɔ kale bafūbanute nwaa, banaa ni setokopɔ mambu ni balofotε lɛma.

⁷ Bafūbanute tunlete wɔ nikonyu ni Yaa ɔkpε, dikpe ni anwε nkpa biene. Dinaa ale eele otii wɔ nintakatesa ni suoto katoo ee annya ni ɔbla wla ee ananle ni tasiente. Dinaa kafɔɔ ale eele kudu kpeete ku otii wɔ nimbebeε ni anu kooto suoto. ⁸ Dikpe nii anle otii wɔ ninfū ni bafɔɔ, ambɔombɔ ni lesaa biene ɔbla, anlenkee ni suoto nɔɔ kafɔɔ. Dikpe ni anle otii wɔ ninkpe ni nkpa biene ku otii wɔ nieklekle nii. Dikpe ni anle otii wɔ kafɔɔ ninfuo ni suoto ɔnanfi. ⁹ Dikpe ni anle otii wɔ niemufū nwaako ɔlaa wɔ buofū buonu nii anklee osie kanya fε mmle buotuo nii. Mmle okle abafuo ni batii bamba otuo ankpee ma in osie, ansī ɔlaa anta batii ba nikɔtaka manyila ni di ɔlaa wɔ mmle suoto.

¹⁰ Diekye batii kpinwu nkpe bɔɔkyɔnkyɔ batii bɔɔtaka manyila di ɔlaa wɔ mmle suoto ku sibuulaa. Mia kafɔɔ batii ba nikɔbla ni asaa ya mmle nle Yuda batii. ¹¹ Dikpe nii beetī ma osuku di asaa ya mmle okle otuo suoto, diekye bɔɔkɔɔkɔtɔsa kafaabi batii kpinwu ofū onu. Bootuo asaa ya mmle ta koto kpile ko bɔɔwε mankyeko ni kame oso. ¹² Bia Kreta otii onwii dile ni mma bamu ɔlaa buetete labue ale, "Kreta batii balaate bale obe lele, lepoor kame babɔkεε ba ninkpe ni kobe, bakyɔkɔ ku balenyaate bale." ¹³ ɔlaa wɔ mmle nte nkpo. Nkpo oso sī ɔlaa fata ma osie kanya ale baadie nkpa nwu, manklee ofū onu biene nwu. ¹⁴ Nle mmle mata ale blɔbasinkyɔɔ Yuda batii selaa se beewola bεεtε ni ku batii afiofa ya bootuo ni atoko, siekye ni batii ba nintoosī ni nwaako ɔlaa nwu nfū.

¹⁵ Asaa amuu lebla klekle diɛta batii ba niebla ni klekle. Kafɔɔ bakpilete ku batii ba ninanfū

banu nii, l̄esalesaa dieklekle dita ma. Diekye otu w̄o nint̄ok̄o ni otii ɔlaa ku asibu l̄ema leyii ku sikpile. ¹⁶ Batii ba mmle okle mbue ale baye Yaa kaf̄o ɔsaabla l̄ema ntuo ale baaye nw̄o. Bale batii bakyidi ku batokop̄it̄e, baawo bata ɔkp̄e biene kuonwii ɔbla.

2

Tuo Ofū Onu Nwaa Nwu Di Osuku Suoto.

¹ Kaf̄o af̄ yi, tuo asaa ya ninkaate ni ku ofū onu nwaa nwu. ² Tuo basuɔt̄o nɔɔfo fal̄e baale batii ba nikamufū suoto manklee nii, baale banumbent̄e, ku batii ba nikata ni suoto dibu. Baale batii ba kaf̄o ninkpe ni ofū onu nwaa, lebɔmb̄o ku otu okpee. ³ Nkpo kaf̄o faatuo basanko nɔɔfo ale baasie nkpa klekle ne. Batanle batii ba nimbuε ni batii suoto selaa ee baale batasiente. Dikpe nii beeble basanko ba nikatu ni batii nkpa biene. ⁴ Baatuo bakpeeble kaf̄o mmle baabɔmb̄o ni basa ku babi l̄ema. ⁵ Ku mmle baalolaa suoto manklee nii, ku mmle baabla ni suoto klekle, ku mmle baale ni basofo biene manwakosa suoto kas̄o manta ni basa l̄ema. Nle mmle mata ale otii kuonwii dilabawε ɔlaa kpile kuonwii abue di Yaa ɔlaa suoto.

⁶ Nkpo kaf̄o faatuo bakosopo ale baalolaa suoto manklee nwaa ne. ⁷ Di asaa ya mmle amuu ɔbla kame, dikpe nii af̄ omu l̄ef̄o feele ɔte onyu fεeta ma die nkpa l̄ef̄o kame. Faakpee okyiini nwaa die asaa l̄ef̄o otuo kame. ⁸ Tofo mmle faakakat̄e ko ni batii ku sel̄o biene, ale batii dilabayila die l̄ekakate l̄ef̄o suoto. Ni balo l̄ef̄o kaf̄o dilabawε ɔlaa kuonwii babue wo di suoto, siinunso kakpe ma ni.

⁹ Tuo balanle kaf  o ale baawakosa suoto kas  o manta basaate lema. Baanyu ale   saabla lema omuu kakpee basaate lema suoto   ey  o. Batankyo  o ma kanya kaf  o. ¹⁰ Batan-yu ma, kaf  o obe lele badiki batuo ma ale, batii biene bale, mambla asaa manta ma di   osuku kanya. Nle mmle mata mantofo ale, asaa otuo loo ya buotuo ni di Yaa Dikite loo suoto, asaa otuo nwaa ale.

¹¹ Diekye Yaa ntoodiki sifutule n  o eetuo wo di didiki le   ey  o   ewako ni batii bamuu kaas  o ka mmle suoto. ¹² Yaa sifutule se mmle ntootuo wo ale buasi nkpa kpile ku kayi ka mmle asaakuu otikanko. Buololaa suoto buklee nwaa, buosie nkpa nwaa, bu  bla suoto kaf  o klekle kaayi ka mmle kame. ¹³ Di obe w  o busi buonyu osuku munta ni dii kple le suoto, di Yaa w  o ninlenke nii ku Dikite loo Yesu Kristo mawa ni di leklekle kame. ¹⁴ Aayo suoto aata diisi loo aadiki wo aakyeko sikpile loo simuu kame,   ebla wo batii klekle   eta suoto n  o lete, ale buawolaa osie kanya ale buabla lesaa le ninle ni lete.

¹⁵ Tuo asaa ya mmle ku otumi w  o di Yaa leta f  o ni, faakpee batii ba ninnu f  o ni asaa otuo   ny  e  , faasi   laa fata batii ba kaf  o ninankye ni di   laa nwu suoto. Tanta otii kuonwii kaf  o lanyu f  o sinunk  nk  o.

3

Bla Asaa Nwaa Ya Nimata Ni Batii Bamuu Sit   Okye.

¹ Nyumasa batii lef  o bamuu fale bawakosa suoto kas  o bata kale banyayilate ku ban  ofo lema, baanu ma   laa, baalolaa suoto ale baabla

lesa nwaa di sisuku simuu suoto. ² Təkə ma kafcō fale batanləe otii kuonwii leyooto kpile. Kafcō bale basiewo di atoko ɔkye ole kame. Baayɔ dibu bata batii bamuu die sisiku simuu suoto.

³ Diekye awo bamu kafcō buabla abuusaa, otokopī ku balalaate di obe wō nitoofe nii. Suoto sina kame asaa kpile kafcō laklee wo ɔkɔnsɔ saa. Bualalaasa obe loo diisi osie ɔsaabla ku onumbɛbɛe kame. Buale balo buata batii, batii kafcō lale wo balo. ⁴ Kafcō obe wō di Yaa loo ku Dikite, lediki ni sifutule ku ləbəmbə nɔɔ kayi, ⁵ aafū wo. Diele ale loo dibiene le buɔɔbla ni oso, kafcō di Yaa nyaami ɔnya kame oso eediki wo, diefe ni di Ninwuna Klekle nɔɔ kame. Nnwɔɔ nieta wo lelofo fole ku nkpa fole die Ninwuna Klekle ntu okpeesa kame. ⁶ Yaa layɔ Ninwuna Klekle nɔɔ aakpete wo di suoto lɛɛrɔ kame, diefe ni di Yesu Kristo Dikite loo suoto. ⁷ Ale die sifutule nɔɔ se mmle oso, awo ku Yaa ntɛɛ kale, ale buawé nkpa be ninnaa ni kaloo buonyu osuku munta nii. ⁸ Selaa se mmle nte nkpo.

Nioso komies nle faabue selaa se mmle fantika sī difuɔ ale, batii ba niefū Yaa beenu nii kayɔ nwu ole osie kanya, man-yɔ obe ləma manta sekpe biene ɔbla. Sekpe se ninlɛ ni siefū kɔya siɛta ni batii bamuu.

⁹ Tan-yɔ suoto faakpee di babuute selaa ɔnanfi kame, tanlalaasa obe kafcō di ana ɔka otuo kame, kalɔ ku Mose afiofa selaa ɔnanfi. Selaa se mmle okle ɔnanfi diesi kɔya bia kafuii. ¹⁰ Sī ɔlaa fata otii wō ninwako ni kase di bafūbanute ntɛɛ fe ɔsenyɔ. Nni kamaa, faadie nwɔ. ¹¹ Faye fale otii nwu okle ntɔɔlala, sikpile nɔɔ kafcō kotuo ale atoolo suoto ləpɔɔ.

Selaa Yentele Ku Leklaa.

¹² Nse lekpee Artema ee Tihiko ɔkye lefõ, faakpee osie faawa ɔkye nii di Nikopole. Diekye nfa komie nle nsie diɛ lɛwɔɔfɔ obe kamɛ nɛ. ¹³ Kpee osie faakyakaako Sena wɔ ninkanko ni batii ku Apolo ale baalolaa suoto manta osuku lema nwu ɔkye. Faanyu fale bɛɛwɛ lesaa biala nimafĩ ma ni. ¹⁴ Dikpe nii bafūbanute letekete mmle okle baayɔ obe lema manta ni lessaa biene le niefũ ni kɔya ɔbla. Mankyakaako batii ba kafɔɔ di asaa lefĩ nii, dinaa kafɔɔ ale bɛɛtɔɔbla nkyɔkɔ.

¹⁵ Babiloo ba ninkpe ni di ɔkye nii ninfũ ale, bɔɔsɛesa ye biene biene. Bisɛesa bafūbanute basiɛwo ba ninkpe ni ninfa bita wo.

Yaa sibuale disiɛko bamuu lee.

Yaa Kanya Ninii Føle Selεε

Selεε: Yaa Kanya Ninii Føle Selεε New Testament

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6